

საჯარო სამართლის იურიდიული პირი
ზურაბ ჟვანიას სახელობის სახელმწიფო ადმინისტრირების სკოლა

სატენდერო დოკუმენტაცია

თეთრეულის რეცხვა–დოუთოვების მომსახურების შესყიდვაზე

გამარტივებული ელექტრონული ტენდერის საშუალებით

ქუთაისი

2011 წელი

სარჩევი

1. ტექნიკური დავალება -----	2
2. ინსტრუქცია ტენდერში მონაწილეთათვის -----	5
3. ტექნიკური დოკუმენტაცია -----	9
4. სახელმწიფო შესყიდვის შესახებ ხელშეკრულების პროექტი -----	11
5. დამატებითი ინფორმაცია -----	22
6. დანართი 1, აფიდავიტის საილუსტრაციო ფორმა -----	23
7. დანართი 2, სატენდერო წინადადება -----	24
8. დანართი 3, მისაწოდებელი მომსახურების ხარჯთაღრიცხვა -----	25
9. დანართი 4, პრეტენდენტის რეკვიზიტები -----	26
10. დანართი 5, ინფორმაცია პრეტენდენტის მიერ ბოლო სამი წლის განმავლობაში მიწოდებული ანალოგიური მომსახურების შესახებ -----	27

1. ტექნიკური დავალება

1.1. გამარტივებული ელექტრონული ტენდერი გამოცხადებულია იმ მიზნით, რომ საჯარო სამართლის იურიდიულმა პირმა ზურაბ ჟვანიას სახელობის სახელმწიფო ადმინისტრირების სკოლამ (შემდგომში – შემსყიდველი) შეისყიდოს მისი კუთვნილი თეთრეულის რეცხვა-დაუთოვების მომსახურება (შემდგომში – მომსახურება) ქვემოთ წარმოდგენილი პირობებით.

1.2. შესყიდვის ობიექტია თეთრეულის რეცხვა-დაუთოვება. თეთრეული წარმოადგენს ტექსტილის შემდეგ ნაკეთობებს:

- ზეწრები,
- საბნის შალითები,
- ბალიშის პირები,
- სააბაზანო პირსახოცები,
- სახის პირსახოცები,
- ფეხის პირსახოცები.

1.3. ლოგინის თეთრეული შეკერილია სხვადასხვა ფაქტურის, ფერისა და მოჩითვის ტექსტილისაგან. ყველა პირსახოცი ერთნაირი ფაქტურისა და ფერის ხაოიანი ქსოვილისაა.

1.4. შესყიდვის ობიექტის მოცულობა:

- არაუმეტეს 2300 კგ.

1.5. შესყიდვის ობიექტის სავარაუდო ღირებულება:

- 5750 (ხუთიათასშვიდას-ორმოცდაათი) ლარი.

ღირებულება მოიცავს თეთრეულის რეცხვის, შრობის, დაუთოვების, დახარისხება-დაკომპლექტების, შეფუთვისა და ტრანსპორტირების ღირებულებას და საქართველოს კანონმდებლობით გათვალისწინებულ ყოველგვარ გადასახადებსა და მოსაკრებლებს დღგ ჩათვლით.

1.6. შესყიდვის ობიექტის მიწოდების ვადები:

- 2011 წლის 07 თებერვლიდან 2011 წლის 01 ივლისამდე;

1.7. შესყიდვის ობიექტის მიწოდების პირობები:

- შემსყიდველი თავისივე შენობაში გადასცემს მიმწოდებელს გასარეცხ თეთრეულს კომპლექტებად;
- თითოეულ კომპლექტში შედის:
 - ზეწარი – 1 ცალი,
 - საბნის შალითა – 1 ცალი,
 - ბალიშის პირი – 1 ცალი,
 - სააბაზანო პირსახოცი – 1 ცალი,

- სახის პირსახოცი – 1 ცალი,
- ფეხის პირსახოცი – 1 ცალი;
- ყოველ კომპლექტში ლოგინის თეთრეულს ფაქტურის მიხედვით ახარისხებს და ყოველ კომპლექტს ფუთავს პოლიეთილენის პაკეტში შემსყიდველი მიმწოდებლისათვის გადაცემამდე;
- შემსყიდველი უფლებამოსილია, სარეცხის ნაწილი, თუ არ ხერხდება ფაქტურის ან რაოდენობის მიხედვით დაკომპლექტება, მიმწოდებელს გადასცეს დაუხარისხებლად; ასეთი სარეცხი იფუთება და აღირიცხება ცალკე;
- მიმწოდებელი ვალდებულია, შემსყიდველის შენობაში ჩაიბაროს გასარეცხი თეთრეული არაუგვიანეს შემსყიდველის მხრიდან შესაბამისი მოთხოვნის (მათ შორის ტელეფონით, ფაქსით, ელექტრონული ფოსტით) წარდგენის მომდევნო სამუშაო დღის 17 საათისა;
- სარეცხის მიღება–გადაცემა ფორმდება გასავლის ფაქტურით, რომელშიც სარეცხი აღირიცხება რაოდენობითა (ცალობით) და წონით;
- მიმწოდებელი მიღებულ თეთრეულს რეცხავს შესაბამისი სარეცხი საშუალებების გამოყენებით, აშრობს, აუთოვებს, ახარისხებს პაკეტებად (იგივე წესით, როგორც – სარეცხის მიღებისას), თითოეულ პაკეტს ფუთავს პოლიეთილენის პაკეტში და ამ სახით გადასცემს შემსყიდველს მისსავე (შემსყიდველის) შენობაში;
- მიმწოდებელი გარეცხილ სარეცხს უბრუნებს შემსყიდველს არაუგვიანეს მისი მიღების მომდევნო დღის 17 საათისა;
- გარეცხილი თეთრეულის მიღება–გადაცემა ფორმდება შემოსვლის ფაქტურით, რომელშიც გარეცხილი თეთრეული აღირიცხება რაოდენობითა (ცალობით) და წონით;
- ერთჯერადად გასარეცხი სარეცხის წონაა არაუმეტეს 280 კგ.;
- სარეცხისა და გარეცხილი თეთრეულის შემსყიდველის შენობიდან და უკან ტრანსპორტირებას უზრუნველყოფს მიმწოდებელი.

1.8. შესყიდვის ობიექტის მიწოდების ადგილი:

- შემსყიდველის ადგილსამყოფელი – ქუთაისი, ნიკეას ქუჩა, 13.

1.9. ანგარიშსწორების პირობები და ვადები:

შემსყიდველი აუნაზღაურებს მიმწოდებელს გაწეული მომსახურების ღირებულებას ყოველთვიურად, მომსახურების შესაბამისი მიღება–ჩაბარების აქტისა და ინვოისის ან დღგ ანგარიშ–ფაქტურის (თუ მიმწოდებელი დღგ გადამხდელია) წარმოდგენიდან ათი დღის ვადაში საბანკო ანგარიშზე (რომელიც მითითებულია სახელმწიფო შესყიდვის ხელშეკრულებაში) თანხის გადარიცხვის გზით. მიღება–ჩაბარების აქტი ფორმდება ყოველი თვის ბოლო სამუშაო დღეს საანგარიშო პერიოდში გაფორმებული სარეცხის გასვლისა და გარეცხილი თეთრეულის შემოსვლის ფაქტურების საფუძველზე.

2. ინსტრუქცია ტენდერში მონაწილეთათვის

2.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ“ დებულების და „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ შესაბამისად.

2.2 სატენდერო წინადადების წარდგენისათვის უნდა იყოს დარეგისტრირებული შესყიდვების ერთიან ელექტრონულ სისტემაში (შემდგომში – სისტემა – სახელმწიფო შესყიდვების სააგენტოს მიერ ადმინისტრირებადი სახელმწიფო შესყიდვების პრორტალი www.procurement.gov.ge) მიმწოდებლის სტატუსით. შემდეგ ვალდებული ხართ სისტემაშივე გაეცნოთ აფიდავიტს და დაეთანხმოთ მას. გაცნობას და თანხმობას ადასტურებთ სისტემის მეშვეობით. აფიდავიტის აქ მოცემული ფორმა (დანართი 1) მხოლოდ საილუსტრაციო ხასიათისაა. მისი დაბეჭდვა და შესყიდველისათვის წარმოდგენა ან სისტემაში ატვირთვა საჭირო არაა.

2.3 ამის შემდეგ მიმწოდებელი ვალდებულია, ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური. გადახდების საწარმოებლად თქვენ უნდა გქონდეთ ნებისმიერი ბანკის მიერ გაცემული პლასტიკური ბიზნეს-ბარათი.

2.4 სატენდერო წინადადების უზრუნველყოფის გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს. ტენდერში მონაწილეობის საფასური შეადგენს 50 ლარს.

2.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

2.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

2.7 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

2.8 სატენდერო წინადადება შედგება სატენდერო წინადადების ფასისა და ტექნიკური დოკუმენტაციისგან.

2.9. სატენდერო წინადადების ფასი უნდა მიუთითოთ სისტემის შესაბამის ველში ტექნიკური დოკუმენტაციის ატვირთვის შემდეგ.

2.10 ტექნიკური დოკუმენტაცია არის პრეტენდენტის მიერ სისტემაში ასატვირთი (ატვირთული) შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა

და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა. ეს დოკუმენტები, ამობეჭდილი და პრეტენდენტის წარმომადგენლობაზე უფლებამოსილი პირის ხელმოწერით დამოწმებული, უნდა დაასკანეროთ, გააერთიანოთ .pdf ფორმატის ერთ ფაილში და ამ სახით ატვირთოთ სისტემაში.

2.11 ტექნიკური დოკუმენტაციის ატვირთვის შემდეგ თქვენ გაქვთ შესაძლებლობა, მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

2.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

2.13 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

2.14 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

2.15 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის. პრეტენდენტს უფლება აქვს, რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

2.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

2.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

2.18 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

2.19 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს ვადას, არაუმეტეს 3 დღისა, ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის

ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

2.20 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

2.21 იმ შემთხვევაში, თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

2.22 პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას;

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

2.23 ამ ინსტრუქციის 2.22 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

2.24 გამარტივებული ელექტრონული ტენდერის ან ელექტრონული ტენდერის ჩატარებისას, „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში.

2.25 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 2.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

2.26 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ მომდევნო ყველაზე დაბალი ფასის მქონე პრეტენდენტის წინადადების ფასი მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს, გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

2.27 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს სანოტარო წესით დამოწმებული ქართული თარგმანი.

2.28 დავის შემთხვევაში პრიორიტეტის მინიჭების საკითხს უხო ენაზე შედგენილ დოკუმენტსა და მის ქართულად თარგმანს შორის წყვეტს სატენდერო კომისია.

2.29 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

2.30 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.31 პრეტენდენტს არ აქვს უფლება, წარმოადგინოს ალტერნატიული წინადადება

3. ტექნიკური დოკუმენტაცია

3.1. ტექნიკური დოკუმენტაცია არის საბუთების ერთობლიობა, რომელთა ნაწილი პრეტენდენტმა ელექტრონულად უნდა აიტვირთოს სისტემაში, დანარჩენი კი ქალაქში ნაბეჭდი ორიგინალების სახით წარმოუდგინოს შემსყიდველს ფოსტის ან კურიერის მეშვეობით.

3.2. სისტემაში ელექტრონულად უნდა აიტვირთოს შემდეგი საბუთები:

ა) სატენდერო წინადადება დანართი 2–ის შესაბამისად,

ბ) ფასების ცხრილი დანართი 3–ის შესაბამისად,

გ) პრეტენდენტის რეკვიზიტები დანართი 4–ის შესაბამისად,

დ) ინფორმაცია პრეტენდენტის მფლობელობაში ან სარგებლობაში არსებული სარეცხი, საშრობი და საუთო მოწყობილობა–დანადგარების შესახებ მათი დასახელების, მოდელების, რაოდენობისა და მონტაჟის ან განთავსების ადგილის მისამართის მითითებით,

ე) ინფორმაცია პრეტენდენტის მიერ ბოლო სამი წლის განმავლობაში ანალოგიური მომსახურების მიწოდების გამოცდილებაზე შემსყიდველების დასახელების, საკონტაქტო ტელეფონისა და მომსახურების მიწოდების ვადების მითითებით დანართი 5–ის შესაბამისად.

3.3. დოკუმენტები, მითითებული წინა პუნქტში, ამობეჭდილი და პრეტენდენტის წარმომადგენლობაზე უფლებამოსილი პირის ხელმოწერით დამოწმებული, უნდა დასკანერდეს, გაერთიანდეს .pdf ფორმატის ერთ ფაილში და ამ სახით აიტვირთოს სისტემაში.

3.4. პრეტენდენტმა, შემსყიდველის შესაბამისი მოთხოვნის მიღებიდან ხუთი დღის ვადაში შემსყიდველს უნდა წარუდგინოს პრეტენდენტის კვალიფიკაციის დამადასტურებელი შემდეგი საბუთები:

3.4.1 იურიდიული პირებისა და ინდივიდუალური მეწარმეებისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

3.4.2. ფიზიკური პირებისათვის – პირადობის მოწმობის ან პასპორტის ასლი;

3.4.3. როგორც იურიდიული, ასევე ფიზიკური პირებისათვის:

ა) ცნობა სასამართლოდან, რომ არ მიმდინარეობს ტენდერში მონაწილეობის მსურველი პირის მიმართ გადახდისუუნარობის საქმის წარმოება;

ბ) ცნობა საგადასახადო ორგანოდან ბიუჯეტისადმი დავალიანების არარსებობის შესახებ.

3.5. ტექნიკური დოკუმენტაციის 3.4.1 პუნქტით და 3.4.3 პუნქტის „ა“ და „ბ“ ქვეპუნქტებით გათვალისწინებული საბუთები ადმინისტრაციული ორგანოების მიერ გაცემული არ უნდა იყოს პრეტენდენტის მიერ ტექნიკური დოკუმენტაციის სისტემაში ატვირთვამდე.

3.6. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული კვალიფიკაციის დამადასტურებელი დოკუმენტები, რომლებსაც თან უნდა დაერთოს სანოტარო წესით დამოწმებული თარგმანი ქართულ ენაზე.

3.7. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

წინამდებარე დოკუმენტი წარმოადგენს სახელმწიფო შესყიდვების შესახებ იმ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამოვლენილ გამარჯვებულ პრეტენდენტთან. ხელშეკრულების პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თან დაერთვის ხელშეკრულებას, როგორც მისი განუყოფელი ნაწილი.

პროექტი

ხელშეკრულება სახელმწიფო შესყიდვის შესახებ

წინამდებარე ხელშეკრულება დადებულია “-----” ----- 2011 წ. ერთის მხრივ საჯარო სამართლის იურიდიულ პირს – ზურაბ ჟვანიას სახელობის სახელმწიფო ადმინისტრირების სკოლას (მისამართი: ქალაქი ქუთაისი, ნიკეას ქუჩა, 13; ტელ./ფაქსი: (231) 3 26 00, გადასახადის გადამხდელის საიდენტიფიკაციო ნომერი 212852055, საბანკო ანგარიში № GE52BR00000103009346693 ს.ს. „ბანკ „რესპუბლიკის“ ქუთაისის ფილიალში, ბანკის კოდი 220101786; შემდგომში “შემსყიდველი”) და მეორეს მხრივ ----- (შემდგომში “მიმწოდებელი”)

(მიმწოდებლის დასახელება და რეკვიზიტები)

შორის.

იმის გათვალისწინებით, რომ შემსყიდველმა ჩაატარა ტენდერი თეთრეულის რეცხვა-დაუთოვების შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და - მიმწოდებლის სატენდერო წინადადების თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე:

(მოუთხოვთ ხელშეკრულების თანხა ციფრობრივად, სიტყვიერად და ვალუტის ჩვენებით)

(შემდგომში “ხელშეკრულების ღირებულება”), წინამდებარე ხელშეკრულება ადასტურებს შემდეგს:

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

ა) წინამდებარე ხელშეკრულება;

ბ) პრეტენდენტის მიერ წარმოდგენილი სატენდერო წინადადება, მომსახურების ხარჯთაღრიცხვა და სატენდერო წინადადებაზე თანდართული ყველა სხვა დოკუმენტი;

გ) გასაწევი მომსახურების ჩამონათვალი;

დ) ტექნიკური დავალება;

ე) ხელშეკრულების საერთო პირობები;

ვ) ხელშეკრულების სპეციფიკური პირობები.

2. ზემოაღნიშნულ დოკუმენტებში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მხარეთა პასუხისმგებლობის ფორმები და სხვა წარმოადგენს ხელშეკრულების პირობებს.

3. მიმწოდებელი იღებს ვალდებულებას გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად.

4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობების შესაბამისად.

წინამდებარე ხელშეკრულება ძალაშია ზემოთ მითითებული თარიღიდან 2011 წლის “01” ივლისამდე.

ხელის მოწერა და ბეჭედი

გიორგი ქველაძე, სსიპ ზურაბ ჟვანიას სახელობის სახელმწიფო ადმინისტრირების სკოლის
დირექტორი

ხელის მოწერა და ბეჭედი

(მიმწოდებლის უფლებამოსილი პირის სახელი, გვარი, თანამდებობა)

ხელშეკრულების საერთო პირობები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 “მიმწოდებელი” ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას სახელმწიფო შესყიდვის შესახებ;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს.

3. ინტელექტუალურ საკუთრებასთან დაკავშირებული უფლებები
ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ხელშეკრულების სპეციფიკურ პირობებში და/ან ტექნიკურ დავალებაში ასახული შესაბამისი გეგმა-გრაფიკის მიხედვით, მათ შორის მომსახურების ხარისხის პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები

5.1 მომსახურების გაწევა ხორციელდება მიმწოდებლის სატენდერო წინადადებაში ასახული გრაფიკის მიხედვით. ხელშეკრულების სპეციფიკურ პირობებში დაფიქსირებული პერიოდულობით (ვადებში) შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გრაფიკში სათანადო ცვლილებები.

5.2 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. დაზღვევა (ამ მექანიზმის გამოყენების შემთხვევაში) არ გამოიყენება.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

7.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ეტაპის) და წუნდების მიზეზის მითითებით.

7.5 შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე იმ შემთხვევაშიც, თუ შუალედური კონტროლის შედეგები იყო დადებითი.

8. გარანტია

8.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

8.2 ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

8.3 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ანგარიშსწორება

9.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

9.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

10. ანგარიშსწორების ვალუტა

10.1 ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტი).

10.2 ანგარიშსწორება განხორციელდება სატენდერო დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

11. ფასები

11.1 მიმწოდებლის სატენდერო წინადადებაში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

11.2 ხელშეკრულების ღირებულებითი პარამეტრების შეცვლა

ხელშეკრულების მოქმედების მთელი პერიოდის განმავლობაში დაუშვებელია, ან ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ხელშეკრულების სპეციფიკურ პირობებში მითითებულ შემთხვევებში და ზომით.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14. სუბკონტრაქტორები

14.1 ამ ხელშეკრულების ფარგლებში დასადები ყველა სუბკონტრაქტი უნდა გაფორმდეს მიმწოდებლის სატენდერო წინადადებაში მითითებული მონაცემების მიხედვით.

14.2 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

14.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

14.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან

ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16. ხელშეკრულების შესრულების გარანტია

ხელშეკრულების შესრულების უზრუნველყოფის მიზნით მიმწოდებლის მიერ გარანტიის წარმოდგენის მექანიზმი არ გამოიყენება. (3.08.2010 N 5)

17. ხელშეკრულების პირობების შეუსრულებლობა

17.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

17.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

18. ხელშეკრულების შეწყვეტა

18.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

18.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

18.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

18.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

18.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

18.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

19. ფორს-მაჟორი

19.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

19.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

19.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

20. სადაო საკითხების გადაწყვეტა

20.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

20.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

21. გამოყენებული სამართალი

21.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

22. ხელშეკრულების ენა

22.1 ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს.

ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს აღნიშნულ პირობებს.

23. ურთიერთობა ხელშეკრულების დამდებ მხარეებს შორის

23.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

23.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

24. გადასახადები და ბაჟები

24.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

24.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები

ხელშეკრულების სპეციფიკურ და საერთო პირობებს შორის ურთიერთშეუსაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს. ყოველი მუხლის სათაურის შემდეგ მითითებული ციფრები აღნიშნავენ ხელშეკრულების საერთო პირობების შესაბამის მუხლებს.

1. ხელშეკრულების დამდები მხარეები

„შემსყიდველი“:

- სახელწოდება: საჯარო სამართლის იურიდიული პირი – ზურაბ ჟვანიას სახელობის სახელმწიფო ადმინისტრირების სკოლა,
- მისამართი: 4600, ქალაქი ქუთაისი, ნიკეას ქუჩა, 13,
- გადასახადის გადამხდელის საიდენტიფიკაციო ნომერი: 212852055,
- ტელ./ფაქსი: (231) 3 26 00,
- ელექტრონული ფოსტა: zspa@zspa.ge,
- საბანკო ანგარიში: № GE52BR00000103009346693,
- საბანკო დაწესებულება: ს.ს. „ბანკი „რესპუბლიკა“, ქუთაისის ფილიალი,
- ბანკის კოდი: 220101786.

„მიმწოდებელი“:

- სახელწოდება:
- მისამართი:
- გადასახადის გადამხდელის საიდენტიფიკაციო ნომერი:
- ტელეფონი:
- ფაქსი:
- ელექტრონული ფოსტა:
- საბანკო ანგარიში №
- საბანკო დაწესებულება:
- ბანკის კოდი:

2. ხელშეკრულების შესრულების კონტროლი (4)

მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველი ახორციელებს გარეცხილი თეთრეულის ყოველი პარტიის მიღებისას. კონტროლს ახორციელებს შემსყიდველის სამეურნეო სამსახურის უფროსი.

3. მომსახურების გაწევის პირობები (5)

- მიმწოდებელი ვალდებულია, შემსყიდველის შენობაში ჩაიბაროს გასარეცხი თეთრეული არაუგვიანეს შემსყიდველის მხრიდან შესაბამისი მოთხოვნის (მათ შორის ტელეფონით, ფაქსით, ელექტრონული ფოსტით) წარდგენის მომდევნო სამუშაო დღის 17 საათისა;
- მიმწოდებელი გარეცხილ სარეცხს უბრუნებს შემსყიდველს არაუგვიანეს მისი მიღების მომდევნო დღის 17 საათისა.

4. დაზღვევა (6)

არ გამოიყენება.

5. შესყიდვის ობიექტის მიღება-ჩაბარების წესი (7)

- შემსყიდველი ახარისხებს ლოგინის თეთრეულს ფაქტურის მიხედვით, აკომპლექტებს პირსახოცებთან ერთად და ყოველ კომპლექტს ფუთავს პოლიეთილენის პაკეტში მიმწოდებლისათვის გადაცემამდე;
- თითოეულ კომპლექტში შედის:
 - ზეწარი – 1 ცალი,
 - საბნის შალითა – 1 ცალი,
 - ბალიშის პირი – 1 ცალი,
 - სააბაზანო პირსახოცი – 1 ცალი,
 - სახის პირსახოცი – 1 ცალი,
 - ფეხის პირსახოცი – 1 ცალი;
- შემსყიდველი უფლებამოსილია, სარეცხის ნაწილი, თუ არ ხერხდება ფაქტურის ან რაოდენობის მიხედვით დაკომპლექტება, მიმწოდებელს გადასცეს დაუხარისხებლად; ასეთი სარეცხი იფუთება და აღირიცხება ცალკე;

- მიმწოდებელი იბარებს გასარეცხ თეთრეულს შემსყიდველის შენობაში;
- სარეცხის მიღება–გადაცემა ფორმდება გასავლის ფაქტურით, რომელშიც სარეცხი აღირიცხება რაოდენობითა (ცალობით) და წონით;
- გარეცხილ თეთრეულს მიმწოდებელი ახარისხებს პაკეტებად (იგივე წესით, როგორითაც – სარეცხის მიღებისას), თითოეულ პაკეტს ფუთავს პოლიეთილენის პაკეტში და ამ სახით გადასცემს შემსყიდველს მისსავე (შემსყიდველის) შენობაში;
- გარეცხილი თეთრეულის მიღება–გადაცემა ფორმდება შემოსვლის ფაქტურით, რომელშიც გარეცხილი თეთრეული აღირიცხება რაოდენობითა (ცალობით) და წონით;
- ერთჯერადად გასარეცხი სარეცხის წონაა არაუმეტეს 280 კგ.;
- სარეცხისა და გარეცხილი თეთრეულის შემსყიდველის შენობიდან და უკან ტრანსპორტირებას უზრუნველყოფს მიმწოდებელი.

6. გარანტია (8) არ გამოიყენება.

7. ანგარიშსწორება (9)

7.1. ანგარიშსწორების ფორმა იქნება გადარიცხვა მიმწოდებლის საბანკო ანგარიშზე.

7.2. ანგარიშსწორების გრაფიკი: ყოველთვიურად, მიმწოდებლის მიერ ანგარიშსწორების განხორციელებისათვის საჭირო დოკუმენტების წარმდგენიდან ათი დღის ვადაში.

7.3. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები:

- მომსახურების მიღება–ჩაბარების აქტი, შედგენილი საანგარიშო პერიოდში გარეცხილი თეთრეულის შემოსვლის ფაქტურების საფუძველზე,
- ინვოისი, თუ მიმწოდებელი არაა დღგ გადამხდელი,
- დღგ ანგარიშ–ფაქტურა, თუ მიმწოდებელი დღგ გადამხდელია.

8. ფასები (11)

ხელშეკრულების ღირებულებითი პარამეტრების შეცვლა დაუშვებელია.

9. ხელშეკრულების შესრულების გარანტია (16) არ გამოიყენება.

10. ხელშეკრულების პირობების შეუსრულებლობა (17)

10.1. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო:

- სარეცხის გატანის ან გარეცხილი თეთრეულის მოწოდების დაგვიანების ყოველ შემთხვევაზე – იმ თანხის 0,1 (ნოლი მთელი და ერთი მეათედი) პროცენტის ოდენობით, რომელიც მისთვის უნდა გადაეხადა შემსყიდველს ვალდებულების დროულად შესრულების შემთხვევაში,

- მომსახურების ხარისხობრივი წუნის გამოვლენის შემთხვევაში – 10 (ათი) ლარის ოდენობით იმ თეთრეულის ყოველ კილოგრამზე, რომელზეც გამოვლენილია წუნი.

10.2. პირგასამტეხლო მიმწოდებელს დაუკავდება მისთვის ასანაზღაურებელი თანხიდან გამოქვითვის საშუალებით.

10.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთ) პროცენტს, შემსყიდველს უფლება აქვს შეწყვიტოს ხელშეკრულება.

11. სადაო საკითხების გადაწყვეტა (20)

სადაო საკითხების გადასაწყვეტად გამოიყენება ხელშეკრულების საერთო პირობების დებულებები.

12. გადასახადები და ბაჟები (24)

გამოიყენება ხელშეკრულების საერთო პირობების დებულებები.

5. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. ქუთაისი, ნიკეას ქ. №13.

საკონტაქტო პირი: ესმა წერეთელი, ტელ: 8 231 3 26 00.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- ☐ სატენდერო წინადადების ფასი;
- ☐ სატენდერო წინადადების ფასის გამოთვლის მეთოდი, კოეფიციენტი ან ფორმულა;
- ☐ სატენდერო წინადადების წარდგენა ან წარდგენისგან თავის შეკავება;
- ☐ ისეთი სატენდერო წინადადების განზრახ წარდგენა, რომელიც არ აკმაყოფილებს

გამოცხადებული ტენდერის პირობებს;

☐ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

სატენდერო წინადადება

თარიღი:

ვის: საჯარო სამართლის იურიდიული პირს ზურაბ ჟვანიას სახელობის სახელმწიფო ადმინისტრირების სკოლას (ქ. ქუთაისი, ნიკეას ქ. №13)

ვისგან: (პრეტენდენტის სრული დასახელება და მისამართი)

შევისწავლეთ რა თქვენი სატენდერო წინადადება (სატენდერო განცხადების № _____) გამარტივებული ელექტრონული ტენდერის

(მოუთხოვთ განცხადების ნომერი სისტემის მიხედვით)

საშუალებით თეთრეულის რეცხვა-დაუთოვების მომსახურების შესყიდვაზე ყველა დანართის ჩათვლით, თანახმა ვართ, სატენდერო დოკუმენტაციის შესაბამისად განვახორციელოთ არაუმეტეს 2300 (ორიათასსამასი) კილოგრამი თეთრეულის რეცხვა-დაუთოვების მომსახურების მოწოდება და გთავაზობთ ზემოაღნიშნულის შესრულებას შემდეგ ფასად:

_____ (_____) ლარი

ჩვენი სატენდერო წინადადების გამარჯვების შემთხვევაში ვიღებთ ვალდებულებას, დავიწყოთ მომსახურების მოწოდება სახელმწიფო შესყიდვის შესახებ ხელშეკრულების ძალაში შესვლის მომდევნო დღიდან და დავასრულოთ 2011 წლის 30 ივნისს.

წინამდებარე სატენდერო წინადადება ძალაშია 30 დღის განმავლობაში, დაწყებული შემდეგი თარიღიდან _____.

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

მომსახურების ხარჯთაღრიცხვა

პრეტენდენტის დასახელება და მისამართი _____

№	მომსახურების დასახელება	განზომილება	ღირებულება განზომილების ერთეულზე, ლარი	ღირებულება სულ, 2300 კილოგრამზე, ლარი
1	თეთრეულის რეცხვა	კგ		
2	თეთრეულის შრობა	კგ		
3	თეთრეულის დაუთოვება	კგ		
4	თეთრეულის დახარისხება	კგ		
5	თეთრეულის შეფუთვა	კგ		
6	ტრანსპორტირება	კგ		

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ბანკის დასახელება:

ანგარიშის ნომერი:

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

ინფორმაცია პრეტენდენტის მიერ ბოლო სამი წლის განმავლობაში მიწოდებული თეთრეულის რეცხვა-დაუთოვების შესახებ

პრეტენდენტის დასახელება და მისამართი _____

№	შემსყიდველის დასახელება	შემსყიდველის საკონტაქტო ტელეფონი	მომსახურების მიწოდების პერიოდი
1			
2			
3			
...			
...			
...			

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

